


樂府詩集

十三



樂府詩集卷第三十一

太原

郭

茂倩

編次

相和歌辭

平調曲

銅雀臺

陳張正見

一曰銅雀妓鄴都故事曰魏武帝遺命諸子曰吾死之後葬於鄴之西崗上與西門豹祠相近無藏金玉珠寶餘香可分諸夫人不命祭吾妾與伎人皆著銅雀臺臺上施六尺牀下總帳朝脯上酒脯糒糒之屬每月朝十五輒向帳前作伎汝等時登臺

樂府詩集卷三十一

望吾西陵墓田故陸機弔魏武帝文曰揮清絃而獨奏薦脯糒而誰嘗悼總帳之冥漠怨西陵之茫茫登雀臺而羣悲佇美日其何望按銅雀臺在鄴城建安十五年築其臺最高上有屋一百二十間連接榱棟侵徹雲漢鑄大銅雀置于樓顛舒翼奮尾勢若飛動因名為銅雀臺樂府解題曰後人悲其意而為之詠也

淒涼銅雀晚搖落墓田通雲慘當歌日松吟欲舞風人疏瑤席冷曲罷總帷空可惜年將泪俱盡望陵中

同前

陳荀仲舉

高臺秋色晚直望已悽然况復歸風便松聲入斷絃
淚逐梁塵下心隨團扇捐誰堪三五夜空對月光圓

同前

唐王無競

北登銅雀上西望清松郭總帳空蒼蒼凌田紛漠漠
平生事已變歌吹宛猶昨長袖拂玉塵遺情結羅幕
妾怨在朝露君恩豈中薄高臺奏曲終曲終淚橫落

同前

唐鄭愔

日斜漳浦望風起鄴臺寒玉座平生晚金樽妓吹闌
舞餘依帳泣歌罷向陵看蕭索松風暮愁烟入井欄

同前

唐劉長卿

嬌愛更何日高臺空數層含帝映雙袖不忍看西陵
漳河東流無復來百花輦路為蒼苔青樓月夜長寂
寞碧雲日暮空徘徊君不見鄴中萬事非昔時古人
何在令人悲春風不逐君王去草色年年舊宮路宮
中歌舞已浮雲空指行人往來處

同前

唐賈至

日暮銅雀靜西陵烏雀歸撫弦心斷絕聽管淚霏霏
靈机臨朝真空牀卷夜衣蒼蒼川上月應照妾魂飛

同前

唐羅隱

疆歌疆舞竟難勝花落花開淚滿縉祇合當年伴君
死免教憔悴望西陵

同前

唐薛能

魏帝當時銅雀臺黃花深映棘叢開人生富貴須回首此地豈無歌舞來

同前

唐張氏琰

君王冥冥不可見銅雀歌舞空徘徊西陵嘖嘖悲宿鳥空殿沈沈閉青苔青苔無人跡紅粉空相哀

同前

唐梁氏瓊

歌扇向陵開齊行真玉杯舞時飛鷺列夢裏片雲來
月色空餘恨松聲暮更哀誰憐未死妾掩袂下銅臺

銅雀妓

齊謝朓

總惟飄井幹樽酒若平生鬱鬱西陵樹詎聞歌吹聲
芳襟染淚迹嬋娟空復情玉座猶寂寞况乃妾身輕

三州一

樂府詩集卷三十一

二

同前

梁何遜

秋風木葉落蕭瑟管絃清望陵歌對酒向帳舞空城
寂寂簷宇曠飄飄帷幔輕曲終相顧起日暮松栢聲

同前

梁劉孝綽

雀臺三五日歌吹似佳期定對西陵晚松風飄素帷
危弦斷更接心傷於此時何言留客袂翻掩望陵悲

同前

梁江淹

武王去金閣英威長寂寞雄劍頓無光雜佩亦銷爍
秋至明月圓風傷白露落清夜何湛湛孤燭映蘭幕
撫影愴無從惟懷憂不薄瑤色行應罷紅芳幾為樂
徒登歌舞臺終成螻蟻郭

同前二首

唐王勃

妾本深宮妓，曾城閉九重。君王懽愛盡，歌舞為誰容。
錦衾不復襞，羅衣誰再縫。高臺西北望，流涕向青松。
金鳳隣銅雀，漳河望鄴城。君王無處所，臺榭若平生。
舞筵紛可就，歌梁儼未傾。西陵松檟冷，誰見綺羅情。

同前

唐沈佺期

昔年不鼎地，今日望陵臺。一旦雄圖盡，千秋遺令開。
綺羅君不見，歌舞妾空來。恩共漳河水，東流無重回。

同前

唐喬知之

金閣惜分香，鉛華不重妝。空餘歌舞地，猶是為君王。
哀弦調已絕，豔曲不須長。共看西陵暮，秋烟生白楊。

三三七

樂府詩集卷三二

四

同前

唐王適

日暮銅雀迴，幽深玉座清。蕭森松柏望，娉鬱綺羅情。
君恩不再重，妾舞為身輕。

同前

唐歐陽詹

蕭條登古臺，回首黃金屋。落葉不歸林，高林永為谷。
妝容徒自麗，舞態閱誰目。惆悵總帷前，歌聲苦於哭。

同前

唐袁暉

君愛本相饒，從來似舞腰。那堪攀玉座，腸斷望陵朝。
怨著情無主，哀凝曲不調。况臨松日暮，悲吹坐蕭蕭。

同前

唐劉商

魏主矜蛾眉，美人美於玉。高臺無畫夜，歌舞竟未足。

高林
林
作
陵

盛色如轉圜夕陽落空谷仍令身歿後尚足平生德
紅粉橫淚痕調絃向空屋舉頭君不在唯見西陵木
玉輦豈再來嬌驀為誰綠那堪秋風裏更舞陽春曲
曲終一作罷情不勝闌干向西哭臺邊生野草來去骨
羅縠况復陵寢閒雙雙見麋鹿

同前

唐李賀

佳人一壺酒秋容滿千里石馬卧新烟憂來何所似
歌聲且潛弄陵樹風自起長裾墜高臺淚眼看花机
秋色西陵滿綠蕪繁絃急管彊歡娛長舒羅袖不成
舞却向風前承淚珠

同前

唐吳燭

三十一

樂府詩集卷三十一

五

朱

同前

唐朱光弼

魏王銅雀妓日暮管絃清一見西陵樹悲心舞不成

同前

唐朱放

恨唱歌聲咽愁翻舞袖遲西陵日欲暮是妾斷腸時

同前

唐僧皎然

彊開樽酒向陵看憶得君王舊日歡不覺餘歌悲自
斷非關艷曲轉聲難

雀臺怨

唐馬戴

魏宮歌舞地蝶戲鳥還鳴玉座人難到銅臺兩滴平
西陵樹不見漳浦草空生萬恨盡埋此徒懸千載名

同前

唐程氏長文

老王去後行人絕
蕭竽不響歌喉咽
雄劍無威光彩沈
寶琴零落金星滅
玉階寂寂墜秋露
月照當時歌舞處
當時歌舞人不迴
化為今日西陵灰

置酒高堂上

宋孔欣

置酒宴友生
高會臨踈櫺
芳俎列嘉肴
山罍湍春青
廣樂充堂宇
絲竹橫兩楹
邯鄲有名倡
承間奏新聲
八音何察亮
四座同懽情
舉觴發湛露
銜盃詠鹿鳴
觴謠可相娛
揚解意何榮
顧歡來義士
哉矯天誠朝
日不夕
盛川流常宵
征生猶懸水
溜死若波瀾
停當年貴得意
何能競虛名

當置酒

梁簡文帝

樂府詩集卷三十一

六

置酒宴嘉賓
矚迴臨飛觀
絕嶺隔天餘
長嶼橫江半
日色花上綺
風光水中亂
三益既歲稔
四始方慈絜

置酒行

唐李益

置酒命所歡
憑觴遂為戚
日往不再來
茲辰坐成昔
百齡非長久
五十將半百
胡為勞我形
已鬢還復白
西山鸞鶴顧
矯矯烟霧翮
明霞散金丹
陰洞潛水碧
安得凌風羽
崦嵫駐靈臯
兀然坐衰老
慙嘆東陵柏

同前

唐陸龜蒙

落塵花片排香痕
闌珊醉露栖愁魂
洞庭波色惜不得
東風領入黃金樽
千筠擲毫春譜大
碧舞紅啼相唱和
安知寂寞西海頭
青篴未垂孤鳳餓

宋刻作
魂悞

長歌續短歌

李賀

長歌破衣襟短歌斷白髮秦主不可見旦夕成內熱
渴飲壺中酒飢拔隴頭粟淒淒四月蘭千里一時綠
夜峯何離離明月落石底徘徊沁石尋照出高峯外
不得與之遊歌成續先改

猛虎行

魏文帝

古辭曰飢不從猛虎食暮不從野雀棲野
雀安無巢遊子為誰驕魏明帝辭曰雙桐
生空井枝葉自相加通泉溉其根玄兩潤
其柯古今樂錄曰猛虎行王僧虔技錄曰
荀錄所載明帝雙桐一篇今不傳樂府解
題曰晉陸機云渴不飲盜泉水言從遠役
猶耿介不以艱險改節也又有雙桐生空
井亦出於此

與君媾新歡託配於二儀充列于紫微升降焉可知
梧桐攀鳳翼雲雨散洪池

同前

晉陸機

渴不飲盜泉水熱不息惡木陰惡木豈無枝志士多
苦心整駕肅時命杖策將遠尋饑食猛虎窟寒棲野
雀林日歸功未建時往歲載陰崇雲臨岸駭鳴條隨
風吟靜言幽谷底長嘯高山岑急弦無懦響亮節難
為音人生誠未易曷云開此襟眷我耿介懷俯仰愧

宋刻

三〇〇

樂府詩集卷三十一

七

古今

同前

宋謝惠連

貧不改九疑玉倦不憇三危峰九疑有或號三危無
安容美物標貴用志士厲奇蹤如何祇遠役王命宜
肅恭伐鼓功未著振旅何時從

同前

躡

猛虎潛深山長筵自生風人謂客行樂客行苦心傷

同前

唐儲光羲

寒亦不憂雪飢亦不食人人血豈不甘所惡傷明神
太室為我宅孟門為我隣百獸為我膳五龍為我賓
蒙馬一何威浮江亦以仁綵章耀朝日牙爪雄武臣

三六五

樂府詩集卷三十一

八

高雲逐氣浮厚地隨聲震君能賈餘勇日夕長於親

同前

唐李白

朝作猛虎行暮作猛虎吟腸斷非關隴頭水淚下不
為雍門琴旌旗一作旌纒紛兩河道戰鼓驚山欲傾倒
秦人半作燕地囚胡馬翻銜洛陽草一輪一失關下
兵朝降夕叛幽薊城巨鰲未斬海水動魚龍奔走安
得寧頗似楚漢時翻覆無定止朝過博浪沙暮入淮
陰市張良未遇韓信貧劉項存亡在兩臣暫到下邳
更兵略來投漂母作主人賢哲恹恹古如此今時亦
棄青雲士有策不敢犯龍鱗竄身南國避胡塵寶書
長一作劔挂高閣金鞍駿馬散故人昨日方為宣城

容掣鈴交通二千石有時六博快壯一作心遶林三
而呼一擲楚人每道張旭奇心藏風雲世莫知三吳
邦伯多一作皆顧盼四海雄俠皆相推一作兩蕭曹曾
作沛中吏攀龍附鳳當有時深陽酒樓三月春楊花
漠漠一作愁殺人胡人綠眼吹玉笛吳歌白紵飛梁
塵丈夫相見一作到且為樂槌牛搗鼓會衆賓我從此
去釣東海得魚笑寄情相親

同前

唐韓愈

猛虎雖云惡亦各有匹儕羣行深谷間百獸望風低
身食黃熊父子食赤豹麋擇肉於熊羆肯視兔與狸
正晝當谷眠眼有百步威自矜無當對氣性縱以乖

樂府詩集卷三十一

九

朝怒殺其子暮還殮一作食其妃匹儕四散走猛虎還
孤棲狐鳴門四旁烏鵲後梁之出逐猴一作入居虎
不知所歸誰云猛虎惡中路正悲啼豹來銜其尾熊
來攫其頤猛虎死不辭但慙前所為虎兇無助死況
如汝細微故當結以信親當結以私親故且不保人
誰信汝為

同前

唐張籍

南山北山樹冥冥猛虎白日遶林行
回晚一身當道食山中麋鹿盡無聲
年年養子在深谷雌雄上山不相逐
谷中近窟有山林長向村家取黃犢
五陵年少不敢射空來林下看待跡

同前

李賀

長戈莫舂彊弩莫烹乳生哺子教得生
獐舉頭為城掉尾為旌東海黃公愁見夜行道逢騶虞牛衣不平生何用尺刀壁上雷鳴泰山之下婦人哭聲官家有程吏不敢聽

同前

唐僧齊己

磨爾牙錯爾爪狐莫威兔莫狡
飢來吞噬取腸飽橫行不怕日月明
皇天產爾為生獐前村半夜聞吼聲
何人按劍燈熒熒

雙桐生空井

季月對桐井新枝雜舊株
晚葉歲拙鳳朝花拂曙烏

還看稚子照銀林繫轆轤

樂府詩集卷第三十一

樂府詩集卷第三十二

太原

郭

茂倩

編次

相和歌辭

平調曲

君子行

古辭

樂府解題曰古辭云君子防未然蓋言遠
嫌疑也又有君子有所思行辭自與此不

同

君子防未然不虞嫌疑間瓜田不納履李下不正冠
嫂叔不親授長幼不比肩勞謙得其柄和光甚獨難
周公下白屋吐哺不及餐一沐三握髮後世稱聖賢

樂府詩集卷三十二

同前

晉陸機

天道夷且簡人道險而難休咎相乘躡翻覆若波瀾
去疾若不遠疑似實生患近火固宜熱履冰豈惡寒
撥蜂滅天道拾塵惑孔顏以臣尚何有弃友焉足歎
福鍾恒有兆禍集非無端工八損未易辭人益猶可歡
朗鑒豈遠假取之在傾冠近情苦自信君子防未然

同前

梁簡文帝

君子懷琬琰不使涅塵淄
從容子雲閣寂寞仲舒帷
多謝悠悠子管窺良可悲

同前

梁沈約

良御或燕楚妙察亂澠淄
隄傾由漏壤垣隙自危基

囂途或安踐黨義勿輕持

同前

梁戴嵩

畫野依德星開鄧對廉水垣越稱交讓連樹名君子
數非唯二失升階無三止標以甌不疑塵正冠還避李
寄言蘧伯玉無為嗟獨耻

同前

唐僧齊己

聖人不生麟龍何瑞梧桐不高鳳凰何止吾聞古之
有君子行藏以時進退求己祭必為天下祭恥必為
天下恥苟進不如此亦何必用虛偽之文章取榮名
而自美

燕歌行七解

魏文帝

三五

樂府詩集卷三十三

二

樂府解題曰晉樂奏魏文帝秋風別曰二
曲言時序遷換行役不歸婦人怨曠無所
訴也廣題曰燕地名也言良人從役於燕
而為此曲

秋風蕭瑟天氣涼草木搖落露為霜
南翔念君客遊多思勝解二憊憊思歸戀故鄉君何淹
留寄他方解三賤妾燒燒守空房憂來思君不敢忘解四
不覺淚下霑衣裳援瑟鳴弦教清商解五短歌微吟不
能長明月皎皎照我牀解六星漢西流夜未央牽牛織
女遥相望爾獨何辜限河梁解七

右一曲晉樂所奏

同前六解

魏文帝

別日何易會日難山川悠遠路漫漫解一鬱陶思君未
敢言寄書浮雲往不還解二涕零而面毀解三形顏誰能懷
憂獨不歎解三耿耿伏枕不能眠披衣出戶步東西解四
展詩清歌聊自寬樂往哀來摧心肝悲風清厲秋氣
寒羅帷徐動經秦軒解五仰戴星月觀雲間飛鳥晨鳴
身氣可憐留連顧懷不自存解六

右一曲晉樂所奏

別日何易會日難山川悠遠路漫漫鬱陶思君未敢
言寄聲浮雲往不還涕零而面毀容顏誰能懷憂獨
不歎展詩清歌聊自寬樂往哀來摧肺肝耿耿伏枕
不能眠披衣出戶步東西仰看星月觀雲間飛鶴晨
鳴聲可憐留連顧懷不能存

右一曲本辭

同前

魏明帝

白日婉婉忽西傾霜露慘淒塗階庭秋草捲葉摧枝
莖翩翩飛蓬常獨征有似遊子不安寧

同前

陸機

四時代序逝遠一作不追寒風習習落葉飛蟋蟀在堂
露盈墀念君遠辭一作遊恒苦悲君何緬然久不歸賤妾
悠悠心無違白日既沒明燈輝夜禽赴林匹鳥棲雙
鳥闕闕宿河湄憂來感物淚不晞非君之念思為誰

別日一作別何早會來遲

同前

宋謝靈運

孟冬初寒節氣成悲風入閨霜依庭秋蟬噪柳燕棲
楹念君行役怨邊城君何崎嶇久租征豈無膏沐感
鶴鳴對君不樂淚沾纓關牕開幌弄秦箏調絃促柱
多哀聲遙夜明月鑒帷屏誰知河漢淺且清展轉思
服悲明星

同前

宋謝惠連

四時推遷迅不停三秋蕭瑟葉解輕飛霜被野鴈南
征念君客遊羈思盈何為淹留無歸聲愛而不見傷
心情朝日潛輝華燈明林鵲同栖渚鴻并接翻偶羽
依蓬瀛仇依旅類相和鳴余獨何為志無成憂緣物
感淚沾纓

同前

梁元帝

燕趙佳人本自多遼東少婦學春歌黃龍戍北花如
錦玄菟城前月似蛾如何此時別夫婿金羈翠駝往
交河還聞入漢去燕營怨妾愁心百恨生湯湯悠悠
天未曉遙遙夜夜聽寒更自從異縣同心別偏恨同
時成異節橫波滿臉萬行啼翠眉暫斂千重結並海
連天合不開那堪春日上春臺唯見遠舟如落葉復
看遥舸似行杯沙汀夜鶴嘯羈豈妾心無趣坐傷離
翻嗟漢使音塵斷空傷賤妾燕高垂

同前

梁蕭子顯

風光遲舞出青蘋
 蘭條翠鳥鳴
 春洛陽梨花落如
 雪河邊細草細如茵
 桐生井底葉交枝
 今看無端雙
 鷺離五重飛樓入河漢
 九華閣道暗清池
 遙看白馬
 津上吏傳道黃龍
 征戍見明月金光徒一作照妾浮
 雲玉葉君不知思君昔去柳依依
 至今八月避暑歸
 明珠蠶繭登勉機
 鬱金香燭時香衣洛陽城頭鷄欲
 曙丞相府中烏未飛
 夜夢征人縫狐貉私憐織婦裁
 錦緋吳刀鄭錦絡寒閨夜被冷
 河芳年海上水中鳧日
 暮寒夜空城雀

同前

周王褒

三十七

樂府詩集卷三十二

五

一作梅花

初春懸日鸞欲嬌
 桃花流水漫河橋
 薔薇花開百重
 葉楊柳拂一作覆地散千條
 隴西將軍號都護
 樓蘭校尉稱嫖姚
 自從昔別春鷺分
 經年一去不相聞
 無復漢地長安月
 唯有漠北薊城雲
 淮南桂中明月影
 流黃機上織成文
 充國行軍屢築營
 陽史討虜陷平城
 城下風多能却車
 沙中雪淺一作鉅停兵
 屬國少婦猶年
 少羽林輕騎散
 征行遙聞陌頭採桑曲
 猶勝邊地胡笳聲
 胡笳向暮使人泣
 還使閨中空佇立
 桃花落杏花舒
 桐生井底寒葉踈
 試為來看上林鴈
 必有遙寄隴頭書

同前

周庾信

代北雲氣晝昏，千里飛蓬無復根，寒鴈丁丁一作
渡遼水，桑葉紛紛落，薊門晉陽山頭無箭竹，疎勒城
中乏水源，屬國征戍久，離居陽關音信絕，能踈願得
魯連飛一箭，持寄思歸燕，將書渡遼本自有將軍寒
風蕭蕭生水紋，妾驚甘泉乏烽火，君訝漁陽少陣雲
自從將軍出，細柳蕩子空，林難獨守盤龍明鏡，餉秦
嘉辟惡生香，寄韓壽，春分鸞來能幾日，二月蠶眠不
復久，洛陽遊絲百丈，連黃河春冰千片穿桃花，顏色
好如馬榆莢，新開巧似錢蒲棹，一杯千日醉無事，九
轉學神仙，定取金丹作幾服，能令華表得千年

同前

唐高適

四

樂府詩集卷二十二

六

漢家烟塵在東北，漢將辭家破殘賊，男兒本自重橫
行，天子非常賜顏色，橫金伐鼓下榆關，旌旗逶迤碣
石間，校尉羽書飛瀚海，單于獵火照狼山，山川蕭條
極邊土，胡騎憑凌雜風雨，戰士軍前半死生，美人帳
下猶歌舞，大漠窮秋塞草衰，孤城落日鬪兵稀，身當
恩遇常輕敵，力盡關山未解圍，鐵衣遠戍辛勤久，玉
筋應啼別離後，少婦城南欲斷腸，征人薊北空迴首
邊風飄飄那可度，絕域倉茫更何一作無有殺氣三日
作陣雲，寒聲一夜傳刁斗，相看白刃血紛紛，死節從
來豈顧勳，君不見沙場征戰苦，至今猶憶李將軍

同前

唐賈至

國之重鎮惟幽都東威九夷制北胡五軍精卒三十
萬百戰百勝擒單于前臨滹沱後沮水崇山沃野亘
千里昔時燕山重賢士黃金築臺從隗始倏忽興王
定劉丘漢家又以封王侯蕭條魏晉為橫流鮮卑竊
據朝五州我唐區夏餘十紀軍容武備赫萬祀彤弓
黃鉞授元帥墾耕大漠為內地季秋膠折邊草腓治
兵羽獵因出師千營萬隊連旌旗望之如火忽電馳
匈奴懾竄窮髮北大荒萬里無塵飛隋家昔為天下
宰窮兵黷武征遼海南風不競多死聲鼓卧旗折黃
雲橫六軍將士皆死盡戰馬空鞍歸故營時遷道草
天下平白環入貢滄海清自有農夫已高枕無勞校

三五五

樂府詩集卷三十一

七

尉重橫行

同前

唐陶翰

請君留楚調聽我吟燕歌家在遼水頭邊風意氣多
出身為漢將正值戎未和雪中凌天山冰上渡交河
大小百餘戰封侯竟蹉跎歸來霸陵下故舊無相過
雄劍委塵匣空門唯雀羅玉筍還趙女寶瑟付齊娥
昔日不為樂時哉今奈何

從軍行五首

魏王粲

古今樂錄曰從軍行王僧虔云荀錄所載
左延年苦哉一篇今不傳樂府解題曰從
軍行皆軍旅苦辛之辭廣題曰左延年辭

云苦哉邊地人一歲三從軍三子到燉煌
二子詣隴西五子遠鬪去五婦皆懷身陳
伏知道又有從軍五更轉

從軍有苦樂但問所從誰所從神且武焉得久勞師
相公征關右赫怒震天威一舉滅獯虜再舉服羗夷
西收邊地賊忽若俯拾遺陳賞越丘山酒肉踰川坻
軍中多飫饒人馬皆溢肥徒行無乘還空出有餘資
拓地三千里往返一作反一如一作若飛歌舞入鄴城所
願獲無違晝一作盡日慶大朝日暮薄言歸外參時明
政內不廢家私禽獸憚為犧良苗實已揮竊慕負鼎
翁願厲朽鈍姿不能效沮溺相隨把鋤犁熟覽夫子

詩信知所言非

樂府詩集卷三十二

八

涼源一作風厲秋節司典告詳刑我君順時茲栢栢東
南征汎舟蓋長川陳卒被隰垆征夫懷親戚誰能無

此一作戀情拊衿一作襟倚舟檣眷言思鄴城哀彼東山

人喟然感鶴鳴日月不安處人誰獲一作常恒一作寧昔人

從公旦一徂輒三齡今我神武師一作暫暫一作往必速平

弃余親睦恩輸力竭忠貞懼無一夫用報我素餐誠

夙夜自忤性思逝若抽縈將秉先登羽豈敢聽金聲

從軍征遐路討彼東南夷方舟順廣川薄暮未安坻

白日半西山桑梓有餘暉蟋蟀夾岸鳴孤鳥翩翩飛

征夫心兩一作多懷一作悽愴令吾悲下船登高防草

附錄

露霑一作我衣迴身赴床寢山愁當告誰身服干戈

事豈得念所私即戎有受命茲理不可違

朝發鄴都橋暮濟白馬津逍遙河隄上左右望我軍

連舫踰萬艘帶甲千萬人率彼東南路將定一舉勲

籌策運帷幄一由我聖君恨一作我無時謀譬諸具

官臣鞠躬中堅內微畫無所陳許歷為完士一言猶

一作獨敗秦我有素餐責誠愧伐檀人雖無鈇刀用庶

幾奮薄身

悠悠涉荒路靡靡我心愁四望無烟火但見林與丘

城郭生榛棘蹊徑無所由蕉蒲竟廣澤葭葦夾長流

日夕涼風發翩翩漂吾舟寒蟬在樹鳴鶴鵠摩天遊

樂府詩集卷三十三

九

一作游子多悲傷決下不可收朝入譙郡界曠然消

人憂鷄鳴達四境黍稷盈原疇館宅充廛一作里女

士一作士女滿莊墟自非聖賢國誰能享斯休詩人美樂

土雖客猶願留

同前

陸機

苦哉遠征人飄飄窮四遐一作窮南陟五嶺巔北戍

長城阿谿谷一作深谷深一作無底崇山鬱嵯峨奮臂攀

喬木振迹涉流沙隆暑固已慘涼風嚴且苛夏條焦

一作集鮮藻寒冰結衝波胡馬如雲屯越旗亦星羅飛

鋒無絕影鳴鏑自相和朝餐不免宵夕息常負戈苦

哉遠征人討心悲如何

同前

宋顏延年

苦哉遠征人畢力幹時艱秦初略揚越漢世爭陰山
地廣旁無界崑阿上衝天嶠霧下高鳥冰沙固流川
秋颯冬未至春液夏不涓閩烽拍荆吳胡埃屬幽燕
橫海咸飛驪絕漠皆控弦馳檄發章表軍書交寒邊
接鎬赴陣首卷甲起行前羽驛馳無絕旌旗晝夜懸
卧伺金柝響起候亭燧烟遯矣遠征人惜哉私自憐

同前二首

梁簡文帝

貳師惜善馬樓蘭貪漢財前年出右地今歲謝輪臺
魚雲望旗聚龍沙隨陣開冰城朝浴鐵地道夜衝枚
將軍號令密天子璽書催何時反舊里遙見下機來

三九五

終身書集卷三二二

一

雲中亭障

一作

羽檄驚甘泉烽火通夜朔貳師將軍

新築營嫖姚校尉初出征復有山西將絕世愛一作受

雄名三門應遁甲五壘學神兵白雲隨陣一作旆色蒼

山峇鼓聲迤邐觀鵝翼參差觀鷹行先平小月陣却

滅大宛城善馬還長樂黃金付水衡小婦趙人能鼓

瑟侍婢初笄解鄭聲庭前桃花一作柳絮飛已一作欲合必

應紅妝來起迎一作起

同前

梁元帝

寶劍飾龍淵長虹畫彩船山虛和鏡管水淨寫樓船
連鵝隨火度燧象帶烽然洞庭晚風急瀟湘夜月圓
荀令多文藻臨戎賦雅篇

同前

沈約

惜哉征夫子憂恨良獨多
浮天出鯁海東馬渡交河
雪縈九折嶺風卷萬里波
維舟無夕鳥秣驥乏平莎
凌濤富驚沫援木關垂蘿
紅曉鳴壘嶼流雲照層阿
玄埃晦翔馬白日照吳戈
寢興流征怨寤寐起還歌
晨裝豈輟驚夕壘詎淹和
苦哉遠征人悲矣將如何

同前

戴嵩

長安夜刺圍胡騎白銅鞮
詔書發隴右召募取關西
劍懸三尺鞘鎧暴七重犀
督軍名戰鼓遑夜數更輦
侵星出柳塞際晚入榆溪
秦涇含藥煇晉火逐飛雞
通泉開地道望敵豎雲梯
陰山日不暮長城風自淒

二十六

對

十一

弓寒折錦韉馬凍滑斜蹄
燕旗竿上晚羌笛管中嘶
登山試下趙憑軾且平齊
當今函谷上唯見一丸泥

同前

梁吳均

男兒亦可憐立功在北邊
陣頭橫却月馬腹帶連錢
懷戈葦隴坻乘凍至遼邊
邊微誠君不愛終自直如弦

同前二首

梁江淹

樽酒送征人踟躕在親宴
日暮浮雲滋握手淚如霰
悠悠清水天嘉魴得兩薦
而我在萬里結友不相見
袖中有短書願寄雉飛燕

從軍出隴北長望陰山雲
涇渭各流異恩情於此分
故人贈寶劍鏤以瑤華文
一言鳳獨立再說鸞無羣

何得晨風起悠哉凌翠氛黃鶴去千里垂淚為報君

同前

梁蕭子顯

左角名王侵漢邊輕薄良家惡少年縱橫向沮澤凌厲取山田黃塵不見景飛蓬怕滿天邊功封漫野竊寵劫邠連春風春月將進酒妖姬舞女亂君前

同前

梁劉孝義

冠軍親俠射長平自合圍木落彫弓燥氣秋征馬肥賢王皆屈膝幕府復申威何謂從軍樂往返速如飛

同前二百

陳張正見

胡兵屯薊北漢將起山西故人輕百戰聊欲空三齊風前噴畫角雲上舞飛梯雁塞秋聲遠龍沙雲路迷

三五

卷二

十二

燕然自可勒函谷詎須泥

將軍定朔邊刁斗出邠連高柳橫長塞榆關接遠天井泉含陣竭風火映山然欲知客心斷旄旌萬里懸

同前

周趙

遼東烽火照甘泉薊北亭障壯旆燕然水凍菖蒲未生節闕寒榆葉不成錢

同前

庾信

河圖論陣氣金匱辨星文地中鳴鼓角天上下將軍函犀怕七屬浴鐵本千羣梯聊度絳合弩擊凌汾寇陣先中斷妖營即兩分烽對嶺度嘶馬隔河關箭飛如疾雨城崩似壞雲英王於此戰何用武安君

同前二首

王褒

兵書久閑習征戰數曾經講戎平樂觀學戲羽林亭
西征度踈勒東驅出并陁牧馬濱長渭營軍毒上淫
平雲如陣色半月額城形羽書封信璽詔使動流星
對岸流沙自緣河柳色青將幕恒臨斗旌門常背刑
勲封瀚海石功勒燕然銘兵勢因麾下軍圖送掖庭
誰憐下玉筋向暮掩金屏

黃河流水急驄馬送征人谷望河陽縣橋度小平津
年一作惡少多遊俠結客好輕身代風愁櫪馬胡霜宜
角筋羽書勞警急邊鞍倦苦辛康居因漠使盧龍稱
魏臣荒戍唯看柳邊城不識春男兒重意氣無為羞

賤貧

同前

隋盧思道

朔方烽火照甘泉長安飛將出祁連犀渠玉綉良家
子白馬金羈俠少年平明偃月屯右地薄暮魚麗逐
左賢谷中石虎經銜箭山上金人曾祭天天涯一去
無窮已薊門迢遶三千里朝見馬嶺黃沙合夕望龍
城陣雲起庭中奇樹已堪攀塞外征人殊未還白雲
初下天山外浮雲直向五原間關山萬里不可越誰
能坐對芳菲月流水本自斷人腸堅冰舊來傷馬骨
邊庭節物與華異冬霰秋霜春不歇長風蕭蕭渡水
來歸鴈連連映天沒後軍行軍行萬里出龍庭單于

渭橋今已拜將軍何處覓功名

同前


清明餘慶

三邊烽亂驚十萬且橫行風卷常山陣笳喧細柳營
劍花寒不落弓月曉逾明會取淮南地特作朔方城

樂府詩集卷第三十二

樂府詩集卷第三十二

十四



樂府詩集卷第三十二

三邊烽亂驚十萬且橫行風卷常山陣笳喧細柳營
劍花寒不落弓月曉逾明會取淮南地特作朔方城

同前

清明餘慶

樂府詩集卷第三十二

樂府詩集卷第三十三

太原

郭

茂倩

編次

相和歌

平調曲

從軍行二首

唐虞世南

塗山烽候驚弭節度龍城冀馬樓蘭將燕犀上谷兵
劔寒花不落弓曉月逾明凜凜嚴霜節冰壯黃河絕
殺日卷征蓬浮天散飛雪全兵值月滿精騎乘膠折
結髮早驅馳辛苦事旌麾馬凍重關冷輪摧九折危
獨有西山將年年屬數奇

燿一作火發金微連營出武威孤城寒雲起絕陣虜

樂府詩集卷第三十三

塵飛俠客吸龍劔惡少縵胡衣朝摩骨都壘夜解谷
蠡圍蕭闕遠無極蒲海廣難依沙鐙離旌斷晴川候
馬歸交河梁已畢燕山旆欲飛方知萬里相侯服有
光輝

同前

唐駱賓王

平生一顧念一作意氣溢三軍野日分戈影天星合

劔文弓弦抱漢月馬足踐胡塵不求生入塞唯當死
報君

同前

唐劉希夷

秋來風瑟瑟羣胡馬行疾嚴城晝不開伏兵暗相失
天子廟堂拜將軍玉門出紛紛伊洛間戎馬數千疋

軍門壓黃河兵氣衝白日平生懷伏劍慨既投筆
南登漢月孤北走燕雲密近取韓彭計早知孫吳術
丈夫清萬里誰能掃一室

同前

唐喬知之

南庭結白露北風掃黃葉此時鴻鴈來驚鳴催思妾
曲房理針線平砧擣文練鴛綺裁易成龍鄉信難見
窈窕九重閨寂寞十年啼紗窓白雲宿羅幌月光棲
雲月曉微微愁思流黃機玉霜凍珠履金吹薄羅衣
漢家已得地君去將何事宛轉結蠶書寂寞無鴈使
生平賀恩信本為容華進況復落紅顏蟬聲催綠鬢

同前

唐李頎

樂府詩集卷三十三

二

白日登山望烽火昏黃飲馬傍交河行人刀斗風砂
暗公主琵琶幽怨多野營萬里無城郭兩雪紛紛連
大漠胡鴈哀鳴夜夜飛胡兒眼淚雙雙落聞道玉門
猶被遮應將性命逐輕車年年戰馬埋荒外空見蒲
葦入漢家

同前三首

唐李約

看圖閑教陣畫地靜論邊烏壘天西戍鷹姿塞上川
路長須筭日書遠每題年無復生還望翻思未別前
柵高三面闔箭盡舉烽頻營柳和烟暮關榆帶雪春
邊城多老将磧路少歸人點盡三河卒年年添塞塵
候火起鷗城塵砂擁戰聲遊軍蔽漢幟降騎說蕃情

霜降灑池淺秋深太白明嫖姚方虎視不覺請添兵

同前

唐戎昱

昔從李都尉雙鞬照馬蹄擒生黑山北殺敵黃雲西
大白沈虜地邊草復萋萋歸來邯鄲市百尺青樓梯
感激然諾重平生膽力齊芳筵暮歌發艷粉輕驃低
半醉秋風起鐵騎門前嘶遠戍報烽火孤城嚴鼓聲
揮鞭望塵去少婦莫含啼

同前

唐厲玄

邊草早不春劍花增渟塵廣場收驥尾清瀚怯龍鱗
帆色已歸越松聲厭避秦幾時逢范蠡處處是通津

同前二首

唐李白

樂府詩集卷三十三

從軍玉門道逐虜金微山笛奏梅花曲刀開明月環
鼓聲鳴海上兵氣擁雲間願斬單于首長驅靜鐵關
百戰沙場碎鐵衣城南已合數重圍突營射殺呼延
將獨領殘兵千騎歸

同前

唐王維

吹角動行人喧喧行人起笳鳴馬嘶亂爭渡金河水
日暮沙漠垂戰聲烟塵裏盡繫名王頸歸來報天子

同前

唐王昌齡

夕臨大荒朔氣軫歸慮平沙萬里餘飛鳥宿何處
虜騎獵長原翩翩傍河去邊聲搖白草海氣生黃霧
百戰苦風塵十年履霜露雖投定遠筆未坐將軍樹

早知行路難悔不理章句
烽火城西百尺樓黃昏獨上海風秋更吹橫笛關山
月誰解金閨萬里愁

琵琶起舞換新聲
總是關山舊別情
撩亂邊愁彈不盡
高高秋月照長城

青海長雲暗雪山孤城遙望鴈
一作門闕黃沙百戰
穿金甲不破樓蘭終不還

同前

唐盧綸

二十在邊城軍中得勇名
卷旗收敗馬斷磧擁殘兵

覆陣烏鳶起燒山草木明
一作塞閑思遠獵師老厭

公營雪嶺無人跡冰河足
一作鴈聲李陵甘此沒惆

長山三

終所詩集卷三十三

四

悵漢公卿

同前

唐劉長卿

迴看虜騎合城下漢兵稀
白刃兩相向黃雲愁不飛
手中無尺鐵徒欲突重圍

落日更蕭條北方動枯草
將軍追虜騎夜失陰山道
戰敗仍樹勳韓彭但空老

草枯秋塞上望見漁陽郭
胡馬嘶一聲漢兵淚雙落
誰為吮癰者此事令人薄

目極鴈門道青青邊草春
一身事征戰死馬同辛勤
末路成白首功歸天下人

倚劍白日暮望鄉登戍樓
北風吹羌笛此夜關山愁

卷八
十一

回首不無意滹河空自流

黃沙一萬里白首無人憐報國劔已折歸鄉身幸全
單于古臺下邊色寒蒼然

同前

唐杜頽

秋草馬蹄輕角弓持弦急去為龍城候正值胡兵襲
軍氣橫大荒戰酣日將入長風金鼓動白霧鐵衣濕
四起愁邊聲南轅時佇立斷蓬孤自轉寒鷹飛相及
萬里雲沙漲路平水霰澁夜間漢使歸獨向刀環泣

同前

唐僧皎然

侯騎出紛紛元戎霍冠軍漢鞞秋聒地羌火晝燒雲
萬里戎城合三邊羽檄分烏孫驅未盡肯顧遼陽勳

長八

樂府詩集卷三十三

五

漢旃拂丹霄漢軍新破遼紅塵驅鹵簿白羽擁嫖姚
戰苦軍猶樂功高將不驕至今丁令塞朔吹空蕭蕭
百萬逐呼韓頻年不解鞍兵屯絕漠暗馬飲濁河乾
破虜功未錄勞師力已殫須防肘腋下飛禍出無端
飛將下天來奇謀闡外裁水心龍劔動地肺瀉山開
望氣燕師銳當鋒虜陣摧從令射鵬騎不敢過雲堆
黃紙君王詔青泥校尉書誓師張虎落選將探犀渠
霧暗津浦失天寒塞柳踈橫行十萬騎欲掃虜塵餘

同前

唐王建

漢軍逐單于日沒處河曲浮雲道傍起行子車下宿
槍城圍鼓角氈帳依山谷馬上懸壺漿刀頭分頽肉

來時高堂上，父母親結束。回一作首不見家風吹破，
衣服金瘡生。肢節相與拔，一作取箭鏃聞道西涼州。家
家婦人哭。

同前

唐張祜

少年金紫就光輝，直指邊城虎翼飛。一卷旌一作旄
千騎虜萬全身出，百重圍黃雲斷塞尋鷹去。白草連
天射鷹歸，白首漢廷刀筆吏。丈夫功業本相依。

同前五首

唐令狐楚

荒鷄隔水啼，汗馬逐風嘶。終日隨旌旆，何時罷鼓鼙。
孤心眠夜雪，滿眼是秋沙。萬里猶防塞，三年不見家。
却望冰河濶，前登雪嶺高。征人幾多在，又擬戰臨洮。

樂府詩集卷三十三

六

胡風千里驚，漠月五更明。縱有還家夢，猶聞出塞聲。
暮雪連青海，陰雲覆白山。可憐班定遠，出入玉門關。

同前三首

唐王維

旌甲從軍久，風雲識陣難。今朝韓信計，日下斬成安。
驚領多奇相，狼頭敢犯邊。寄言班定遠，正是立功年。
旄頭夜落捷，書飛來奏金門。著賜衣白馬，將軍頻破
鏑。黃龍戍卒幾時歸。

從軍五更轉五首

陳伏知道

樂苑曰：五更轉，商調曲。按伏知道已有從
軍辭，則五更轉蓋陳已前曲也。

一更刁斗鳴，校尉遠連城。遙聞射鵰騎，懸憚將軍名。

二更愁未央高城寒夜長
試將弓學月聊持劍比霜
三更夜警新橫吹獨吟春
彊聽梅花落誤憶柳園人
四更星漢低落月與雲齊
依稀北風裏胡笳雜馬嘶
五更催送籌曉色映山頭
城烏初起堞更人悄一作笑
下樓

從軍有苦樂行

唐李益

魏王察從軍行曰從軍有苦樂但問所從
誰因以為題也

勞者且勿歌我欲送君觴
從軍有苦樂此曲樂未央
僕本居一作起隴上隴水斷人腸
東過秦宮路客路入咸陽
時逢漢帝出諫獵至長楊
詎馳游俠窟非結少

樂府詩集卷三十三

七

年場一旦承嘉惠輕命重恩光
秉筆參帷帟從軍至朔方
邊地多陰風草木自淒涼
斷絕海雲去出沒胡沙長
參差引鴈翼隱鱗騰軍裝
劔文夜如水馬汗凍成霜
俠氣五都少矜功六郡良
山河起目前睚眦死路傍
北逐驅獯虜西臨復舊疆
昔還賦餘資今出乃贏糧
一矢致夏服我弓不再張
寄言丈夫雄苦樂身自當

苦哉遠征人

唐鮑溶

西日陸機從軍行曰苦哉遠征人
飄飄窮四遐宋顏延年從軍行曰苦哉遠征人
畢力於時艱蓋苦天下征伐也
又有苦哉行遠

征人皆出於從軍行也

征人歌古曲，携手上河梁。李陵死別處，杳杳去冥鄉。
憶昔從此路，連年征鬼方。久行迷漢曆，三洗氈衣裳。
百戰身且在，微功信難忘。遠承雲臺議，非勢孰敢當。
落日弔李廣，白身過河陽。閑弓失月影，勞劒無龍光。
去日始束髮，今來髮成霜。虛名乃閑事，生見父母鄉。
掩抑大風歌，徘徊少年場。誠哉古人言，烏盡良弓藏。

苦哉行五首

戎昱

彼鼠侵我厨，縱狸授梁肉。鼠雖為君却，狸食自須足。
冀雪大國恥，翻是大國辱。羶腥逼綺羅，墀瓦雜珠玉。
登樓非騁望，目笑是心哭。何意天樂中，至今奏胡曲。

樂府詩集卷三十三

八

官軍收洛陽，家住洛陽里。夫婿與兄弟，日前見傷死。
吞聲不許哭，還遣衣羅綺。上馬隨匈奴，數秋黃塵裏。
生為名家女，死作塞垣鬼。鄉國無還期，天津哭流水。
登樓望天衢，目極淚盈睫。矍笑無笑容，須妝舊花墜。
昔年買奴僕，奴僕來碎葉。豈意未死間，自為匈奴妾。
一生忽至此，萬事痛苦業。得出塞垣飛，不如彼蜂蝶。
妾家青河邊，七葉承貂蟬。身為最小女，偏得渾家憐。
親戚不相識，幽閨十五年。有時最遠出，祇到中門前。
前年狂胡來，懼死翻生全。今秋官軍至，豈意遭戈鋌。
匈奴為先鋒，長鼻黃髮拳。彎弓獵生人，百步半羊羶。
脫身落虎口，不及歸黃泉。苦哉難重陳，暗哭蒼蒼天。

可汗奉親詔今月歸燕山忽如亂刀劒攬妾心腸間
出戶望北荒迢迢玉門關生人為死別有去無時還
漢月割妾心胡風凋妾顏去去斷絕魂叫天天不聞
遠征人 周王褒

黃河流水急驅馬送征人谷望河陽縣橋渡小平津

鞠歌行

晉陸機

古今樂錄曰王僧虔技錄平調又有鞠歌
行今無歌者陸機序曰按漢宮閣有含章
鞠室靈芝鞠室後漢馬防第宅卜臨道連
閣通池鞠城彌於街路鞠歌將謂此也又
東阿王詩連騎擊壤或謂蹴鞠乎三言七

樂府詩集卷三十三

九

言雖奇寶名器不遇知己終不見重願逢
知己以託意焉

朝雲升應龍攀乘風遠遊騰雲端鼓鍾歇豈自歡急
弦高張思和彈時希值年夙愆循已雖易人知難王
陽登貢公歡罕生既沒國子歎嗟千載豈虛言邈矣
遠念情愴然

同前

宋謝靈運

德不孤必有所鄰唱和之契冥相因譬如虬虎兮來
風雲亦如形聲影響陳心歡賞兮歲易淪隱玉藏彩
疇識真叔牙顯夷吾親郢既歿匠寢斤覽古籍信伊
人永言知己感良辰

同前

本謝惠連

翔馳騎伯樂，不舉誰能知。南荆璧萬金，貫卞和不斲。
與石離年難，留時易隕厲。志莫賞徒勞，疲沮齊音溺。
趙吹匠石善，運郢不危古。綿眇理參差，單心慷慨雙
淚垂

同前

李白

王不自言如姚李，魚目笑之下。和恥楚國青蠅何太
多，連城白壁遭讒毀。荆山長號泣血人，忠臣死為則
足鬼。聽曲知竊戚，夷吾因小妻秦穆五羊皮。買死百
里奚，洗拂青雲上。當時賤如泥，朝歌鼓刀叟。虎變蟠
溪中，一舉釣六合。遂荒營丘東，平生渭水曲。誰識作

數此老翁柰何今之人雙目送征

飛一作鴻

清調曲

古今樂錄曰王僧虔技錄清調有六曲一
苦寒行二豫章行三董逃行四相逢狹路
閒行五塘上行六秋胡行荀氏錄所載九
曲傳者五曲晉宋齊所歌今不歌武帝社
上苦寒行上謁董逃行蒲生上行晨上願
登並秋胡行是也其四曲今不傳明帝悠
悠苦寒行古辭白楊豫章行武帝白日董
逃行古辭相逢狹路閒行是也其器有笙
笛下聲弄高弄遊弄箎節琴瑟箏琵琶八

種歌弦四弦張永錫云未歌之前有五部
弦又在弄後晉宋齊止四器也

苦寒行二首六解

魏文帝

樂府解題曰晉樂奏魏武帝北上篇備言
冰雪谿谷之苦其儀或謂之北上行蓋因
武帝辭而擬之也

北上太行山艱哉何巍巍太行山艱哉何巍巍羊腸
坂詰屈車輪為之摧解一樹木何蕭瑟北風聲正悲何
蕭瑟北風聲正悲熊羆對我蹲虎豹夾道啼解二谿谷
少人民雪落何霏霏少人民雪落何霏霏延頸長歎
息遠行多所懷解三我心何怫鬱思欲一東歸何佛鬱

三九

樂府詩集卷三十三

二

思欲一東歸水深橋梁絕中道正徘徊解四迷惑失徑
路瞑無所宿棲失徑路瞑無所宿棲行行日以遠人
馬同時飢解五擔囊行取薪斧冰持作糜解六彼東山詩
斧冰持作糜悲彼東山詩悠悠使我哀解六

右一曲晉樂所奏

北上太行山艱哉何巍巍羊腸坂詰屈車輪為之摧
樹木何蕭瑟北風聲正悲熊羆對我蹲虎豹夾路啼
谿谷少人民雪落何霏霏延頸長歎息遠行多所懷
我心何怫鬱思欲一東歸水深橋梁絕中路正徘徊
迷惑失故路薄春無宿棲行行日已遠人馬同時飢
擔囊行取薪斧冰持作糜悲彼東山詩悠悠使我哀

春
暮

右一曲本辭

苦寒行五解

魏明帝

悠悠發洛都并我征東行悠悠發洛都并我征東行
 征行彌二旬屯吹龍陂城解一顧觀故壘處皇祖之所
 營故壘處皇祖之所營屋室若平昔棟宇無邪傾解二
 柰何我皇祖潛德隱聖形我皇祖潛德隱聖形雖沒
 而不朽書貴垂休名解三光光我皇祖軒曜同其榮遺
 化布四海八表以肅清解四雖有吳蜀寇春秋足耀兵
 吳蜀寇春秋足耀兵徒悲我皇祖不永享百齡賦詩
 以寫懷伏軾淚霑纓解五

右一曲晉樂所奏

樂府詩集卷三十三

十一

同前

陸機

北遊幽朔城涼野多險艱俯入穹谷底仰陟高山盤
 凝冰結重礫積雪被長纒陰雲興巖側悲風鳴樹端
 不覩白日景但聞寒鳥囀猛虎沉憑林彌玄猿臨岸歎
 夕宿喬木下慘愴恒鮮歡渴飲以堅冰漿饑一作待一作
 食零露餐離思固已矣寤寐言劇哉行役人憊
 憊恒苦寒

同前

謝靈運

歲歲曾冰食紛紛霰雪落浮跡滅清暉寒禽叫悲壑
 飢麋烟不興渴汲水枯涸

前苦寒行二首

唐杜甫

漢時長安雪一丈牛馬毛寒縮如蝟楚江巫峽冰入
懷虎豹象號又堪記秦城老翁荆揚客慣習炎蒸歲
締綌玄冥祝融氣感交手持白羽未敢釋

去年白帝雪在山今年白帝雪在地凍埋蛟龍南浦
縮寒刮肌膚北風利楚人四時皆麻衣楚天萬里無
晶輝三足之鳥足恐斷羲和送將安所歸

後苦寒行二首

杜甫

南紀巫廬瘴不絕太古已來無尺雪蠻夷長老怨苦
寒崑崙天闕凍應折玄猿口噤不能嘯白鵠翅垂眼
流血安得春泥補地裂

晚來江門失大木猛風中夜吹白屋天兵斷斬青海

樂府詩集卷三十三

十三

戎殺氣南行動坤軸不爾苦寒何太酷巴東之峽生
凌澌彼蒼迴軒人得知

苦寒行

唐劉駕

嚴寒動八荒荊荊無休時陽鳥不自暖雪壓扶桑枝
歲暮寒益壯青春安得歸朔鴈到南海越禽何處飛
誰言貧士歎不為身無衣

同前

唐僧貫休

北風北風職何嚴毒摧壯士心縮金鳥足凍雪囂囂
礙雪一片下不得聲遶枯桑根在沙塞黃河徹底頑
直到海一氣搏束萬物無態唯有吾庭前杉松樹枝
枝枝健在

同前

唐僧齊己

冰峯撐空寒轟轟雲凝水凍埋海陸殺物之性傷人
之德既不能斷絕蒺藜荆棘之根株又不能展鳳凰
麒麟之拳跼如此則何如為和煦為膏雨自然天下
之榮枯融融於萬戶

吁嗟篇

魏曹植

樂府解題曰曹植擬苦寒行為吁嗟

吁嗟此轉蓬居世何獨然長去本根逝夙夜無休閒
東西經七陌南北越九千卒遇回風起吹我入雲間
自謂終天路忽然下沉淵驚飈接我出故歸彼中田
當南而更北謂東而反西宕宕當何依忽亡而復存

樂府詩集卷三十三

十四

飄飄周八澤連翩歷五山流轉無怕處誰知吾苦艱
願為中林草秋隨野火燔糜滅豈不痛願與林葉連
北上行 李白

北上何所苦北上緣太行磴道盤且峻巉巖凌穹蒼
馬足蹶側石車輪摧高崗沙塵接幽州烽火連朔方
殺氣毒劔戟嚴風裂衣裳奔鯨夾黃河鑿齒屯洛陽
前行無歸日返顧思舊鄉慘戚冰雪裏悲號絕中腸
尺布不掩體皮膚劇枯桑汲水澗谷阻採薪隴坂長
猛虎又掉尾磨牙皓秋霜草木不可飡飢飲零露漿
歎此北上苦停驂為之傷何日王道平開顏覩天光
樂府詩集卷第三十三

己卯四月廿六日閱完以本憶早春客有自西北來者言流寇張橫然
所過處有金者獨官軍一列雜雞犬亦無唯類矣聞之感於傷心
茲讀我皇苦代行前年狂胡未懼死翻生金上秋官軍至豈意遭
戈鋌乃知振古如斯也可勝歎代

上以

